



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. III. An essentia divina uniatur intellectibus beatorum per modum speciei impressæ, & expressæ?

[urn:nbn:de:hbz:466:1-77132](https://nbn-resolving.de/urn:nbn:de:hbz:466:1-77132)

enim divina essentia suppletat vices verbi creati in visione beatifica, sufficit quod ex se, & ex sua natura sit non solum intelligibilis, sed etiam intellecta hoc secundo modo; id est ex se habeat sufficientem actualitatem ad terminandam intellectuam creatam, & visionem beatificam, posito quod illa detur, & quod intellectus creatus per lumen gloriae ad eam elevetur. Sicut ut persona divina possit ab aeterno supplerre vices subsistentiae creatae, solum requiritur quod habeat infinitam actualitatem in terminando, ratione cuius possit terminare quamcunque natu ram creatam, carentem propriâ subsistentiâ, super posito quod illa producatur, & ei conjugatur.

Ad tertiam probationem Minoris principi lis, concessio Antecedente, neganda est Con sequentia & paritas. Ratio disparitatis est, quia licet substantia Angeli sit praesens ejus intellectui in actu primo, non solum praesentiâ physica, sed etiam intentionaliter; non tamen est praesens intentionaliter in actu secundo: Deus autem est praesens intentionaliter & in esse intelligibili intellectui beatorum, non solum in actu primo, & per modum objecti motivi; sed etiam in actu secundo, & per modum objecti terminativi: unde licet substantia Angeli non possit gerere vices speciei expresse in cognitione sui, bene tamen essentia divina in intellectu beati.

Dices, ideo Deus est praesens in actu secundo intentionaliter, & per modum objecti terminativi intellectui beatorum, quia est immaterialis: Sed Angelus etiam est immaterialis: Ergo ejus substantia est etiam praesens intentionaliter in actu secundo, proprio intellectui, & sic ratio disparitatis non tenet.

Respondeo negando Majorem, nam essentia divina habet rationem objecti motivi, & terminativi sui cognitione, & in visione beatifica, quae est aliqua divina cognitionis participatio, non praeceps ex eo quod sit immaterialis, sed ex eo quod sit actus purus, tam in ordine entitativo quam intelligibili; sive quia est in supremo gradu immaterialitatis & actualitatis, ut antea declaravimus: unde exclusio materiae cum inclu sione potentialitatis, competens Angelo, solum inferit quod possit habere rationem speciei im preesse, & objecti motivi in cognitione sui; non tamen rationem speciei expresse, & termini finali sui intellectus: ad hoc enim necessarium est, ut substantia Angeli esset suum esse, & suum intelligere; quod soli Deo competit, cum ipse solus sit actus purus, tam in ordine entitativo, quam intelligibili.

Objicies quinto: Amor beatificus producit terminum, qui dicitur impulsus, et si ad summum bonum clare visum terminetur: Ergo etiam visio beatifica, quamvis terminetur ad essentiam divinam clarè cognitam, producet verbum, seu speciem expressam, illam representantem.

Respondeo concessio Antecedente, negando Consequentiam & paritatem, propter dupli cem rationem discriminis. Prima est, quia impulsus qui est voluntatis terminus, non est ultima actualitas objecti aetati, sed ponitur ut voluntatem completere & perfecte in objectum inclinet; & ideo quantumcumque perfectum sit objectum amatum, adhuc impulsus voluntatis admittitur: verbum autem ponitur ut ultima actualitas objecti intellecti, unde quando seipso objectum est in ultima actualitate, verbum non producitur. Secunda ratio disparitatis est, quia impulsus no

A petit esse ejusdem naturæ cum objecto dilecto, quia voluntas assimilativa non est, & ideo non repugnat impulsus productus erga summum bonum, verbum autem id postulat, & ideo in visione beatifica nullum verbum creatum dari potest.

Objicies ultimum: Quando D. Paulus videt in raptu essentiam Dei, postea recordatus est multorum quæ in illo raptu viderat: unde ipsam dicit, quod audit arcana verba, que non licet homini loqui. 2. ad Corint. 12. Ergo in tali visione transiit formavit aliquod verbum divinam essentiam representans. Consequentia videtur manifesta, ea enim quorum recordaruntur, habent aliquam sui speciem in memoria relictam, & per cognitionem quæ primò cognita fuerunt, productam & expressam: Ergo si D. Paulus recordabatur eorum quæ viderat in raptu, tunc formavit aliquod verbum, seu aliquam speciem expressam, essentiam Dei, ejusque attributa re presentantem.

Respondet D. Thomas hic art. 9. ad 2. his 58 verbis. Ad secundum dicendum, quod aliqua potentia cognoscitiva sunt, que ex speciebus primò conceptus alias formare possunt: sicut imaginatio ex praecognitis speciebus montis & auri, format speciem montis aurei, & intellectus ex praecognitis speciebus generis & differentia format rationem speciei; & similiter ex similitudine imaginis, formare possunt in nobis similitudinem ejus cuius est imago. Et sic Paulus vel quicunque alius vident Deum, ex ipsa visione essentia divina potest formare in se similitudines rerum, que in essentia divina videntur: que remanserunt in Paulo, etiam postquam desit Dei essentiam videre. Ita tamen visio, qua videntur res per huiusmodi species sic conceptas, est alia à visione, qua videntur res in Deo. Quibus verbis clare docet id quod manuit in memoria Pauli, postrascum in quo vidi divinam essentiam, non fuisse aliquam imaginem Dei in se, (alias semper vidisset Deum, & illum habuisset presentem in memoria, ratione talis speciei) sed fuisse representationem ipsius visionis, & aliquarum rerum, quas in Deo vidit, quarum representationes formavit in proprio genere, & extra visionem beatificam. Sicut modo etiam beati tales representationes extra verbum formant, ut possint per locutionem spiritualem, cum aliis communicare de his quæ in Deo vident, ut dicemus in materia de locutione Angelorum.

ARTICULUS III.

An essentia divina uniatur intellectibus beatorum per modum speciei impressae, & expressae?

P Arte in negativam tenent non solum Aurelius & Aegidius à Präsentatione, qui speciem creatam in visione beatifica admittunt, sed etiam Vasquez & Suarez, qui eam cum Thomistis negant; diverso tamen ducuntur fundamento. Vasquez enim hic disp. 43. cap. 3. docet, in visione beatifica nullum requiri concursum speciem objecti in ratione speciei, & ideo essentiam divinam ad illam solum concurre per modum causæ universalis, & è tantum modo, quod ad alias cognitiones & actiones creatas concurrat. Suarez vero tomo 1. Summa Theol. lib. 2. cap. 12. admittit quidem, essentiam divinam habere pecu-

peculiarem concursum in ratione objecti cum intellectu creāto, coēfficiendo cum illo claram Dei visionem; negat tamen illam uniri per modum specie intelligibilis intellectui beato, quia exigit ad rationem prædictæ speciei, indispensabiliter desiderari inherentiam vel informationem, qua divina essentia repugnat. Sententia tamen affirmativa, quæ docet divinam essentiam uniri intellectibus beatorum per modum speciei impressæ & expressæ, & in visione beatifica, vices utriusque supplere, communis est in Schola D. Thomæ, eamque ex professio docet sanctus Doctor locis scimus à nobis referendis.

S. I.

Vera sententia stabilitur.

⁶⁰ Dico primò: Essentiam divinam uniri per se ipsam immediate intellectibus beatorum, in ratione speciei impressæ.

Probatur primò conclusio ex D. Thoma 3, cont. Gent. cap. 11, dicente: Manifestum est quod essentia divina potest comparari ad intellectum creatum, ut species intelligibilis qua intelligit. Ethic art. 5 sic habet: Cm̄ aliquis intellectus creatus videt Deum per essentiam, ipsa essentia divina sit forma intelligibili intellectus. Et 3. p. quest. 9. art. 3. ad 3. Essentia divina (inquit) dicitur menti beatæ, sicut intelligibile intelligenti: quod nihil clarius & expressius in favorem nostræ sententia dici potest.

Probatur secundò conclusio, specialiter contra Vasquem: Ad visionem beatam requiritur species aliqua, que concurrat speciali modo ad ipsam: Sed non datur in illa species creata: Ergo essentia divina gerit vices speciei. Major admittitur à Vasque, & constat ex supra dictis contra Egidium à Præsentatione. Major autem quam negat, probatur ex communi axiome Philosophorum & Theologorum, docentium cum Augustino, quod ex objecto & potentia patitur notitia, quæ fœtus utriusque; ac proinde quod objectum ad illam specialiter debet concurre, quandoquidem ipsi potissimum assimilatur cognitio, & illud habet quasi rationem virtutis in illa generatione spirituali. Et mirū est, quod Vasquez admittat species esse necessarias ad cognitionem sensuum & intellectus nostri, & negat illas requiri in cognitione Angelorum, vel beatorum: nam necitas specierum non oritur præcisè ex imperfectione sensuum, vel intellectus nostri; sed ex communi ratione potentiarum cognoscitivarum, que ad se trahit objectum, & assimilatur illi: unde etiam formalitas speciei salvatur in intellectu divino, ut ostendimus Tractatu præcedenti, & magis constabit ex infra dicendi contra Suarem.

^{Diss. 2.} ⁶² Confirmatur primò: Intellectus debet esse principium sufficiens productivum & specificativum sua operationis. Sed non potest esse tale, nisi habeat in se objectum quod cum illo concurrit: Ergo objectum debet concurrere ad intellectu. Probatur Minor: Intellectio, saltem ratione sui termini & verbi, habet assimilari objecto: Sed non potest illi assimilari, nisi in se aliquo modo illud contineat: Ergo, &c.

⁶³ Confirmatur secundò: Objectum speciali modo concurrerit ad actum voluntatis, nam voluntas secundum se est indeterminata, & debet ab ipso objecto determinari, vel per modum causæ.

Tom. I.

efficientis, ut vult Cajetanus; vel formalis extrinsecæ aut finalis, ut alii Thomistæ docent: Ergo multò magis ad intellectu concurrit objectum, cùm sine ipso intellectus sit indeterminatus, & veluti tabula rasa; & præterea intellectio in hoc à volitione distinguitur, quod habeat majorem similitudinem cum objecto, & trahat illud intra intellectum.

Probatur tertio conclusio, destruendo fundas ⁶⁴ mentum Suaris, ac demonstrando non esse de ratione speciei intelligibilis, quod inhæret intellectui, vel illum informet. Nam essentia divina, respectu intellectus divini, est vera species intelligibilis, & tamen illi non inhæret, nec illum informat. Item substantia Angeli est species impressa, quæ seipsum intelligit, ut tenet communior Theologorum sententia; & tam non inhæret, sed per se subsistit: Ergo inherentia vel informatio non est de ratione speciei.

Confirmatur primò: Ratio & formalitas speciei est perfectio simpliciter simplex: Ergo in sua ratione formalis non includit imperfectiōnem inherentiam vel informationis. Consequētia patet, perfectio enim simpliciter simplex in sua ratione formalis nullam dicit imperfectiōnem. Antecedens vero probatur; tum quia species intelligibilis pertinet ad gradum intellectivum, qui est perfectio simpliciter simplex: ut etiam quia ratio speciei reperitur formaliter in intellectu divino, ut Tractatu præcedenti ostendimus, & est certum de fide, saltem quantum ad speciem expressam: fides enim docet, secundam sanctissimam Trinitatis personam, procedere ut verbum, seu ut speciem ab intellectu Patris expressam.

Confirmatur secundò ratione quam insinuat Divus Thomas hic articulo secundo ad tertium. Ideo forma naturalis aut intelligibilis creata, petit naturaliter inherentiam & informationem, quia est aliquid accidens dependens à subjecto; vel quia est forma potentialis, requiriens modum aliquem informationis, tanquam complementum, ad exercitium sui; vel denique quia est quid creatum, quod non potest esse identificatum cum illo esse quod dat subjecto, sed necessario debet esse quid distinctum ab illo: At nihil horum habet locum in Deo, & in essentia divina ut gerente vices speciei, illa enim est quid substantiale, actualissimum & continens totum esse quod potest communicari subjecto: Ergo non requirit informationem, aut inherentiam. Unde egregie observat Cajetanus hic articulo secundo, quod speciei impressæ, tria per accidentem, & totidem per se competere possunt. Primum quod competit per accidentem, est quod sit secundum suum esse naturale, substantia vel accidentis: in Angelo enim respectu cognitionis sui est substantia, in nobis est accidentis. Secundum, quod habeat esse naturale vel intentionale: in Deo enim, & Angelo respectu cognitionis sui, habet primum, & in nobis secundum. Tertium per accidentem est, quod sit idem in esse naturali cum potentia, vel ab ea distincta: in Deo enim est idem, in nobis est distincta. Primum autem quod per se competit speciei, est ut sit formalis similitudo sui objecti, & idem cum illo in esse intentional & representativo. Secundum, ut gaudeat tantum immaterialitate, quam ipsum objectum. Et tertium, ut sit idem cum intellectu secundum esse intelligibile.

S. 2.

Deni-

67 Denique probatur conclusio, demonstrando A essentiam divinam convenire omnes conditiones ad rationem speciei intelligibilis requiritas. Tres enim conditiones requiruntur, ut substantia aliqua per seipsum possit esse species intelligibilis alieni intellectus. Prima est, ut per seipsum essentiam sit actu intelligibilis: ob cuius defetum substantiae materiales (testa D. Thomae 2. contra Gent. cap. 98. circa finem) non possunt esse species intelligibiles, sed oportet quod per intentiones abstractas intelligentur. Secunda est, ut sit intellectui intime unita: ob cuius defectum, substantia unius Angeli non potest esse species intelligibilis intellectus alterius, ut ibidem docet idem S. Doctor. Tertia est, ut sit suum esse, ob cuius defectum, nulla substantia creata, quantumcunque esset intime conjuncta alieno intellectui secundum suam entitatem, posset esse species intelligibilis illius; teste eodem D. Thomae 3. contra Gent. cap. 51. Et ratio etiam id suadet: nulla enim substantia potest esse principium intelligendi alieno intellectui, nisi sit ipsa veritas, & intelligibilitas per essentiam, ac proinde nisi sit in supremo gradu intellectualitatis & actualitatis quod non potest habere, nisi sit suum esse per essentiam. Illa autem tres conditiones perfectissimè Deo convenienter: Nam ut ait S. Thomas quodlibet 7. quæst. 1. art. 1. *Essentia divina, cum sit a materia separata, est per se actu intelligibilis.* Intellectui enim praesens est, quia ut dicit Augustinus: *Deus unicuique rei est vicinior, quam ipsa res suis.* Et præterea est suum esse, ut demonstrarat S. Thomas supra quæst. 3. art. 4. Ergo essentia divina habet omnia requisita, ut sit species intelligibilis intellectus creati.

68 Dico secundo: Divinam essentiam unitam intellectibus beatorum, aliquo modo habere rationem speciei expressæ, seu verbis: non tamen proprie, sed solum communiter & impropter.

Prima pars hujus conclusionis patet, quia de ratione speciei expressæ, seu verbis, est esse intellectum in actu, & expressæ, ac in actu secundo repræsentare objecit: Sed divina essentia se ipsum expressæ, & in actu secundo repræsentat, ac unitur intellectui beato, ut intellectum in actu, per seipsum faciens intellectum in actu, inquit tandem Thomas hic art. 2. ad 3. Ergo essentia divina aliquo modo habet rationem verbi, seu speciei expressæ in visione beata.

69 Secunda etiam pars ejusdem conclusionis colligitur ex eo dem S. Doctore quæstione quarta de veritate, articulo secundo, ubi ait, *Verbum intellectus in nobis duo habet de sua ratione: scilicet quod est intellectum, & quod est ab alio expressum.* Ergo cum divina essentia, ab intellectu beato non sit expressa, nec terminus per illum productus; non habet propriæ rationem verbi in ordine ad intellectum beatum.

70 Confirmatur: Quamvis in cognitione essentiæ, quia Deus se intelligit, silentia divina seipsum manifestet intellectui increato; quia tamen non procedit ab illo, non habet propriæ rationem verbi, & speciei expressæ respectu illius; ut docet idem Doctor Angelicus loco citato in resp. ad 1. & nos Tractatu precedentem art. 2. fuisse declaravimus. Ergo similiter, quamvis illa seipsum in actu secundo manifestet intellectui beatorum, & terminetur intrinsecè eorum intellectuionem; quia tamen ab illo non procedit, sicut Filius a Patre in generatione aeterna; non habet

propriæ rationem verbi, seu speciei expressæ, si-
cut secunda Sanctissimæ Trinitatis Persona.

S. II.

Solvuntur objectiones.

Obijecit primo: D. Thomas quodlibeto septimo, quæstione prima, articulo primo sic habet: *Lumen gloria facit hoc respectu divina essentia in intellectu, quod facit respectu aliorum intelligibilium, que non sunt lux tantum, species rei intellectus simul & lumen: sic ut lux sensibilis per se existaret, ad eius visionem sufficeret lumen oculum percipiens.* Et in resp. ad 2. art. quod intellectus eratus sit actu ad vindicandam divinam essentiam per lumen gloria, & hoc sufficit: Ergo ex D. Thomae ad visionem beatificam sufficit concursus luminis gloriae, nec requiritur unio divina essentia per modum speciei intelligibilis, cum intellectu beati.

Respondeo concesso Antecedente, negando 72 Consequiam. Nam Divus Thomas ibi solum intendit attribuere soli lumini gloriae, officium actuandi intellectum per modum formæ, & principiū ipsi inhærentis: cum enim in aliis cognitionibus neesse sit, quod duplex principium inhæreat potentia cognoscitivæ; species seicit, & lumen in visione tamen beata est unicum tantum principium inhærent, scilicet lumen gloriae. Unde quando ibi videtur excludere concursum speciei, non intendit negare concursum divinæ essentia in ratione speciei, sed tantum concursum speciei creatæ, & inhærentis intellectui beatorum, ut constat exemplo lucis sensibilis quod adducit. Sicut enim si lux corporea esset per se subsistens, videretur quidem absque cursu speciei distincta, & oculo inhærent, quia seipsa visibilis est; gereret tamen vices speciei in visione sui. Ita etiam, quia divina essentia est ipsa lux increata, & per se subsistens in ordine intelligibili, non potest fieri intelligibilis per aliquid à se distingutum, nec per aliquam speciem creatam intellectui beatorum inhærente, sed ipsamet debet concurrere per modum speciei ad sui cognitionem.

Obijecit secundo: Essentia divina non potest gerere vices causæ formalis, ut communiter docent Theologi, ex quo inferunt illam non posse supplere vices luminis gloriae, ut infra dicimus: Sed species intelligibilis habet rationem causa formalis respectu intellectus, cum proprium ejus munus sit determinare intellectum & tribuere speciem intellectioni, quia duo ad genus causæ formalis spectant: Ergo essentia divina non potest uniri intellectibus beatorum, per modum speciei intelligibilis.

Confirmatur primo: De ratione speciei intelligibilis est, quod constituit intellectum in actu primo ad intelligentium, quia intellectus secundum se est pura potentia in genere intelligibili, & veluti tabula rasa: unde ut fiat potens ad intelligentium, debet constitui in actu primo per speciem intelligibilem: Sed hoc nequit praestari sine inherencia & informatione: Ergo de ratione speciei intelligibilis, est quod inhæreat intellectui, vel ipsum informet.

Confirmatur secundo: Essentia Divina, cum sit actus purus, nequit se habere per modum potentia, respectu visionis beatificæ: Ergo neque potest constituere intellectum in actu primo, per ordinem ad illam; nam actus primus est in

DE POSSIBILITATE VISIONIS DEI.

141

potentia ad actum secundum, & per illum perficitur.

Ad objectionem respondeo distinguendo Mājorem, Essentia divina non potest gerere vices causae formalis, in esse naturali, & entitativo, concedo; in esse intentional, & intelligibili, nego. Similiter distinguo Minorem: species intelligibilis habet rationem causae formalis: in esse intentional, vel intelligibili, concedo. In esse naturali, & entitativo, semper, nego. Solutio est D. Thomas 3, cont. Gent. cap. 5, cuius verba infra referemus.

Explicatur: Multiplex intercedit discrimen inter formam naturalem & intelligibilem, ex quo sit Deo repugnare rationem formæ naturalis, & in esse entitativo, non vero rationem formæ intelligibilis. Prima, & principia differentiationis, quæ est radix, & fundamentum aliarum, consistit in hoc, quod forma naturalis se tenet ex parte subjecti, tanquam visus illud perficiens, & illi accommodatur: species vero, seu forma intelligibilis, se tenet ex parte objecti, tanquam eius imago, & similitudo formalis, illudque representat. Ex quo oritur secunda differentia: nam forma naturalis limitatur, & contrahitur a subjecto in quo recipitur, & illi subordinatur, ac ab eo dependet: forma vero intelligibilis, ut talis est, nec subordinatur subjecto in quo recipitur, nec ab ipso contrahitur, aut limitatur; sed in eo recinet tota suam amplitudinem, & universalitatem, ideo si objectum sit infinitum, representat infinitum, nec limitatur ab alio. Quod potest illustrari, & declarari exempli speciei naturam humanam representantis: illa enim potest dupliceri considerari. Primo quatenus est aliquid accidentis in esse entitativo receptum in subjecto, & sub hac ratione est quællitas individualis subiectum. Secundo in esse representativo, & sic nullum singulare determinatum representat, sed naturam ipsam secundum suam universalitatem, & ut abstrahit a singularibus. Unde S. Thomas 1, part. quæst. 50, art. 2, ad 2, dicit, quod forma intelligibilis est in intellectu, secundum ipsam rationem forme: id est (ut recte explicat Barnezi ibidem) secundum totam amplitudinem, & univeralitatem, quæ ei in esse intelligibili competit.

Tertia differentia consistit in hoc quod forma naturalis ad hoc tendit, ut ex eius unione cum materia resultet unum tertium, ex quo sit, quod illa tanto aptior sit, ut uniat materiæ, quanto est minus completa: & ideo anima nostra potest esse forma corporis, non autem substantia Angelorum: forma vero intelligibilis non ordinatur ad componendum unum tertium, sed tantum ut determinetur, & perficiat intellectum ad intelligendum, quod tanto melius, & perfectius praestat, quanto complectior, actualior, & immaterialior est. Unde ratio formæ totalis & completa non repugnat forma, & speciei intelligibili, sed maxime illi convenit; cum illa debeat solum perficere, & completere, non vero perfici, aut compleri.

Hanc differentiam & doctrinam egregie exponit & illustrat D. Thomas 3, cont. Gent. cap. 51, ubi loquens de essentia divina, sic ait: Nec tam potest esse forma alterius rei secundum esse naturale: sequeretur enim, quod simul cum aliquo unita constitueret unam naturam, quod esse non potest, cum essentia divina in se perfecta sit in sua natura: species autem intelligibilis unita intellectui, non constituit

A aliquam naturam, sed perficit ipsum ad intelligentem, quod perfectione essentia divina non repugnat. Quibus verbis, & docuit nostram sententiam, & præcipuum adversariorum fundamentum everit.

Dices: Esse intelligibile, & entitativum, non distinguuntur virtualiter in Deo; alioquin conceptus naturæ & essentiæ virtualiter in eo differunt, cujus oppositum Tractatu præcedenti ostendimus: Ergo repugnat, quod essentia divina uniatur intellectui beatorum, per modum formæ intelligibilis, nisi etiam illi uniatur, per modum formæ entitativæ, & naturalis.

B Respondeo concessio Antecedente, negando Consequentiam: Licet enim in Deo natura, & existentia; vis intelligendi, & ipsum intelligere; scientia simplicis intelligentiae, & visionis, virtualiter non distinguuntur; quia tamen differunt per analogiam ad creaturas, & per ordinem ad diversa connotata materialia: natura humana per se primò unitur substantia Verbi Divini, & secundariò tantum naturæ divinæ. Item vis intelligendi que est in Deo, participatur a lumine gloriae, & actualis ejus cognitio, seu intelligentia, à visione beatifica. Denique scientia Dei, quatenus est simplicis intelligentiae, se extendit solum ad possibilia, & ut rationis est, versatur circa existentia & futura. Ita similiter, licet esse intelligibile, & entitativum, virtualiter non distinguuntur in Deo, sed solum distinctione rationis, petitæ ex habitudine, & analogia ad creaturas; hoce tamen non obstat, quominus essentia divina uniri posse intellectibus beatorum per modum formæ intelligibilis, absque eo quod ibi miscetur aliqua unio in esse naturali, & entitativo. De quo videri possunt Salmantenses hic dip. 2, dubio 2.

C Ad primam confirmationem, nego Minorem: 77 Licet enim forma naturalis non possit constitutre subiectum in actu, sine informatione: forma tamen intelligibilis completere potest, & determinare intellectum in actu primo ad intelligentem, sine inherencia, vel informatione: ut constat in substantia Angeli, gerente vices speciei impressæ in cognitione sui.

D Ad secundam confirmationem, concessio Antecedente, neganda est Consequentia. Etsi enim essentia divina constituit intellectum beatorum in actu primo, per modum formæ intelligibilis, modo explicato; non sequitur tamen, illam esse in potentia ad visionem beatificam, quia illam completer, & actuat per modum actus purissimi, & per se substantis, ac proinde seclusis imperfectionibus potentialitatis, inherentia, & informationis. Quare solus intellectus, perfusus lumine gloriae, & completus per ipsam essentiam divinam, in ratione formæ intelligibilis illi unitam, est in potentia ad visionem beatificam, non autem ipsa essentia divina, gerens vicem speciei, & formæ intelligibilis. Sicut licet personalitas Verbi Divini actuat, compleat, & intrinsecus terminet humanam naturam: quia tamen eam terminat, per modum termini, & actus purissimi, non est, nec fuit in potentia ad eliciendas, vel recipiendas actiones creatas illius; sed tota potentialitas se tenet ex parte ipsius humanitatis assumptæ, & à personalitate Verbi terminata.

E Objicies tertio: Ex unione speciei intelligibilis cum intellectu, debet aliquid per se inum resultare: At ex unione essentia divina cum intellectu beati, nequit aliquid componi: cum Deus,